

Tua tak sedar diri, rindu berjudi

Astro Awani | Diterjemahkan oleh: [Astro Awani](#)
Januari 11, 2018 09:56 MYT



Penganjur aktiviti judi akan memuat turun aplikasi di telefon bimbit pelanggan dan membeli top up sebagai pertaruhan. - Astro AWANI

KUALA LANGAT: Sudah berusia tetapi masih tidak sedarkan diri.

Itu mungkin kata-kata yang sesuai ditujukan kepada golongan yang menghampiri usia warga emas ini, tetapi masih tegar dengan tabiat berjudinya.

Lebih malang lagi, penggemar judi yang berusia lebih 50 tahun itu ditahan dalam satu operasi ketika melayan judi atas talian di sebuah premis kedai makan, dalam keadaan dikawal ketat beberapa lelaki, dipercayai pengawal keselamatan.

Operasi dijalankan Bahagian Siasatan Jenayah Maksiat, Perjudian dan Kongsi Gelap (D7) Ibu pejabat Polis Kontinjen (IPK) Selangor awal pagi ini.

Difahamkan, penganjur aktiviti ini akan memuat turun aplikasi judi di telefon bimbit pelanggan dan membeli 'top up' sebagai pertaruhan.



Aktiviti berjudi secara atas talian menggunakan aplikasi yang dimuat turun penganjur.
Foto Astro AWANI

Lapan kaki judi bersama penganjur ditahan pasukan D7 IPK Selangor kira-kira 50 meter dari premis terbuka itu.

Turut dirampas, tablet, telefon bimbit dan sejumlah wang tunai.

Tangkapan dibawa ke Ibu pejabat Polis Daerah Kuala Langat untuk tindakan lanjut.

Kes disiasat mengikut Akta Rumah Judi Terbuka 1953.